

Litteræ Sanctiss. D. N.

<sup>20</sup>  
D. CLEMENTIS  
DIVINA PROVIDENTIA

PAPAE OCTAVI.

MOTU PROPRIO EMANATAE

Circa controuersias super delatione habitus albi inter Fratres  
Ordinis Prædicatorum, & Fratres Ordinis Hære-  
mitarum Sancti Augustini.



---

ROMAE, Ex Typographia Camerae Apostolicæ. M. DC IIII.

# CLEMENS PAPA VIII.

## AD PERPETUAM

### REI MEMORIAM.



X in iuncto nobis Pastoralis muneris debito Religiosorum hominum, qui contemptis ille celebris seculi diuinis se obsequiis manciparunt quieti, & tranquillitati præcipua quadam, & singulari sollicitudine providere tenemur, ut ijs omnibus sublati, quæ illorum in via Domini progressum retardare possunt maiori alacritate diuinis laudibus persequendis, & Christifidelium salutem promouendæ incumbant. Aliàs siquidem cum inter dilectos filios Fratres Ordinis Prædicatorum S. Dominici, & Fratres Ord. Eremitarum S. Augustini de Habitibus albi delatione, quo ita consimiles viderentur, ut si absque vestis superioris nigra incedant vix alter ab altero discerni queat, controuersie non sine ipsorum Fratrum perturbatione, & laicorum offensione sepius ortæ fuissent, nonnullæ Rom. Pontificum Prædecessorum nostrorum, præsertim vero sæcl. rec. Alexandri Papæ Quarti Constitutiones super ea re proderunt, & nuper eadem penè controuersia in Regnis Portugalliæ, & Algarbiorum insurgente,

ac Fratribus S. Dominici, de præiudicio ab Ordine S. Augustini ipsam habitum, etiam extra Claustra deferente sibi illato conquerentibus. Nos eiusdem Alexandri, & aliorum Rom. Pontificum priuilegia desuper concessa per litteras nostras sub datum Romæ apud S. Petrum, die duodecima Martij 1597. seruari mandauimus, prout in illis continetur, verum quia secuta ipsarum litterarum promulgatione, dilectus filius noster Antonius Tituli Sanctæ Mariæ Translyberim Presbyter Cardinalis Saulus Protector, & dilectus etiam filius Magister Franciscus Pereira Assistent pro Vltromontanis Prouincijs eiusdem Ordinis Sancti Augustini nobis nomine prædicti Ordinis Sancti Augustini exposuerunt, neque per nostrorum prædicatorum Prædecessorum Constitutiones, neque per huiusmodi nostras litteras suis fratribus interdicti amictui proprio instituto congruentem, & ab ineunte ferè ordine gestari solitum, atque etiam ab eo, quo fratres Sancti Dominici vtiuntur, si vterque ordo intra suos limites consistat, valde dissimilem, ac exhibitis sui Ordinis Constitutionibus, & Iuribus nuper nobis humiliter supplicarunt, ut huic, tam diuinae quæstioni, & molestiæ auctoritate nostra Apostolica finem tandem imponere de benignitate Apostolica dignaremur. Propterea nos iussimus vtriusque ordinis Priuilegia, Constitutiones, ac Statuta per dilectos filios nostræ visitationi, & Reformationi Apostolicæ Præfatos diligentius examinari, partiumque ipsarum lura, & præsentiones audiri, ac maturius ponderari; Qui Reformatores auditis Magistro P. F. Ferdinando de Castro Procuratore Prouinciæ Portugalliæ Ordinis Prædicatorum, ac supradicti Francisci visisque Constitutionibus, alijsque Iuribus vtriusque deductis nobis retulerunt, comperisse, vestes albas, tamquam interiores per amorum ordinum fratres, ex proprijs institutis deferri posse, neque vllam inde oriri confusionem, si superiorem illam nigram, qua inter se optimè distinguuntur, singuli iuxta proprias institutiones gestarent. Nos controuersie huiusmodi perpetuum silentium imponere, & vtriusque ordinis prædicatorum, ex quibus in Ecclesia Dei vberes in dies fructus prodire solent, quieti prospicere volentes, Motu proprio, non ad dictorum fratrum, aut aliorum instantiam, sed ex certa nostra scientia, ac de Apostolicæ potestatis plenitudine, harum serie statuimus, & ordinamus, ut perpetuis futuris temporibus dicti Fratres Prædicatorum Sancti Dominici cum Cappa nigra, Fratres vero Heremitas Sancti Augustini cum tunica etiam nigra ad instar propriarum Constitutionum, non solum in dictis Regnis, sed vbique locorum, tam si in proprijs Continentibus, & Ecclesijs eos actus exercent, in quibus habitum nigrum Constitutiones iubent adhiberi, præcipue verò in Ecclesia, dum Confessiones audiunt, Conciones, seu Lectiones ad Populum habent, quam extrà Claustra in quibuscumque actionibus, & functionibus, etiam in itinere, & ad Prædia licet Vrbibus, Oppidis, aut Monasterijs viciniore animi gratia accedentes, semper incedere debeant, & teneantur. Ac propterea in virtute Sanctæ obedientiæ sub indignationis nostræ penæ eisdem vtriusque ordinis fratribus districtius inhibemus ne absque habitu nigro vtrique ordini constituto, ac propriæ professionis protestatiuo, etiam dum in Conuentibus, & Ecclesijs supradictas actiones exercent, neque extrà claustra, præterquam in Aedibus, & Viridarijs Prædiorum suorum vlllo vmqum tempore, aut quo uis prætextu patenter deambulare, & vltius dictorum ordinum Superioribus, & fratribus vniuersis, & singulis sub excommunicationis latæ sententiæ penæ eo ipso incurrenda mandamus, ne deinceps in perpetuum, super hoc litem, aut molestiam aliquam superiores nimirum, & fratres Ordinis Prædicatorum Superioribus, & fratribus Ordinis Eremitarum, nec vicijsim superiores, & fratres Ordinis Heremitarum ipsis Superioribus, & fratribus Ordinis Prædicatorum huiusmodi interre audeant, seu præsumant. Nos enim quancumque litem super hoc motam ad nos harum serie auocamus, illamque penitus extinguimus, ac vtrique parti per hanc nostram Constitutionem perpetuum silentium imponimus, ac impolitum esse volumus & declaramus. Ac præsentis litteras nullo vmqum tempore de subreptionis, vel obreptionis vicio, seu intentione.



nis nostræ, vel quòpiam alio defectu ex eo, quod dicti fratres ad hoc vocati non fuerint, notari, impugnari, inu-  
ualidari, aut ad terminos Iuris reduci, seu in Ius, vel controuerſiam reuocari. Sicque per quoscunque Iudices,  
& Commissarios quauis auctoritate fungentes, etiam Causarum Palatii Apostolici Auditores, & S. R. E. Car-  
dinales, sublata eis, & eorum cuiilibet, quauis aliter iudicandi, & interpretandi facultate, & auctoritate vbique  
iudicari, & diffiniri debere, nènon irritum, & inane quicquid secus super his à quoquam quauis auctoritate  
ſcianter, vel ignoranter contigerit attentari decernimus. Quocirca Venerabilibus Fratribus Archiepiſcopis,  
Episcopis, & alijs locorum ordinarijs, ac dilecto filio Causarum Curie Cameræ Apostolicæ Generali Audi-  
tori per præſentes Motu ſimili mandamus, quatenus ipſi, vel duo, aut vnus eorum per ſe, vel alium, seu alios  
præſentes litteras, & in eis contenta quæcumque requiſiti, ſolemniſter publicantes, eiſque in præmiſſis efficaciſ defenſionis præ-  
ſidio aſiſtentes faciant auctoritate noſtra omnia, & ſingula præmiſſa inuiolabiliter obſeruari, Contra dictores  
quoslibet, & rebelles, ac præmiſſis non parentes per ſententias, cenſuras, & pœnas Eccleſiaſticas, aliq; oppor-  
tuna iuris, & facti remedia, appellatione poſſoſita compeſcendo, inuocato etiam ad hoc ſi opus fuerit, auxilio  
brachij ſæcularis. Non obſtantibus conſtitutionibus, & ordinationibus Apoſtolicis, ac vtriuſque ordinis præ-  
dictorum etiam iuramento, confirmatione Apoſtolica, vel quauis firmitate alia roboratis, ſtatutis, & conſue-  
tudinibus, priuilegijs quoque indultis, & literis Apoſtolicis in contrarium præmiſſorum eiſdem ordinibus, aut  
cuiſcumque illorum conceſſis, confirmatis, & approbatis, cæterisque contrarijs quibuſcumque. Volumus au-  
tem, vt præſentium tranſumptis, etiam impreſſis manu Notarij publici ſubſcriptis, & ſigillo alicuius perſonæ in  
dignitate Eccleſiaſtica conſtitutæ munitis eadem prorsus fides adhibeatur, quæ ipſis præſentibus adhiberetur,  
ſi forent exhibitæ, vel oſtenſæ. Datum Tuſculi ſub Annulo Piſcatoris die i j. Octobris M. DC III. Ponti-  
ficatus Noſtri Anno Duodecimo.

M. Veſtrius Barbianus.